



Երեխաների պաշտպանության միջազգային օրը Վիրահայոց թեմի «Հայարտուն» կենտրոնում

ավորվեց
գեղեցիկ
համերգով

,
որը
նախաձեռնել
և
կազմակերպել
էր
Վրաստանի
հայ
երաժիշտների
միությունը
:
Միջոցառմանը
մասնակցում
էին

ին
ԹԲԻԼԻՍԻ
Ա
.
Շանիձեի
անվան

№20 մշակույթի դպրոցի երաժշտական հարվածային գործիքների երիտասարդական «Drum School» համույթը և Վիրահայոց թեմի «Հայարտուն» կենտրոնի «Ներսես Շնորհալիի» անվան պատանեկան համույթը:

Բացելով միջոցառումը, «Հայարտուն» կենտրոնի համակարգող Լևոն Զիդիլյանը շնորհավորեց բոլոր մասնակիցներին՝ երեխաների պաշտպանության միջազգային օրվա կապակցությամբ, մաղթելով նրանց խաղաղ երկնակամար և երջանիկ մանկություն:

Այնուհետև Վրաստանի հայ երաժիշտների միության նախագահ Արտեմ Կիրակոզովը ներկայացրեց ԹԲԻԼԻՍԻ Ա. Շանիձեի անվան №20 Մշակույթի դպրոցի (տնօրեն Ալլա Լափերաշվիլի), հարվածային գործիքների «Drum School» համույթի ղեկավարներ՝ ԹԲԻԼԻՍԻ Վ.Սարաջիշվիլու անվան կոնսերվատորիայի դասախոս Կոնստանտին Վարդանովին և նրա որդի, կոնսերվատորիայի շրջանավարտ, ԹԲԻԼԻՍԻ Զ.Փալիաշվիլու անվան օպերայի և բալետի թատրոնի մենակատար Գիորգի Վարդանովին:

Այս համույթի անդամներ Աննա Ալավիձեն, Ռավիլ Ալագովը, Նիկա Գոբեջիշվիլին, Աննա և Ռատի Զեբիցաշվիլիները, Թաթա Իրիցյանը, Նատալյա Մախուրաձեն, Ղավիթ Լուրիձեն, Զուրաբ Մախարաձեն, Ալեքսանդրե Թուրախան փողի, շեփորի, ֆլեյտայի և հարվածային տարբեր նվագարանների վրա հայ, վրացի և արտասահմանցի այլ երգահանների ստեղծագործությունների հիմնալի կատարումներով արժանացան հանդիսատեսի բուռն ծափողջուններին: Ուրախալի էր, որ նրանց կատարումներին, որ հնչում էին դաշնակահարուհի Ղոդո Բադալաշվիլու նվագակցությամբ, միացավ Վիրահայոց թեմի «Հայարտուն» կենտրոնի Ներսես Շնորհալիի անվան պատանեկան համույթը (խմբավար Մարա Աբուլյան) դասական, հոգևոր և էստրադային երգերի կատարումներով, ստեղծելով գեղագիտական հիմնալի տպավորություն:

ԹԲԻԼԻՍԻ Սուրբ Էջմիածին եկեղեցու հոգևոր հովիվ Տեր Սամվել քահանա Թորոսյանն իր օրհնությունը բաշխելով ներկա գտնվողներին, գոհունակության խոսքեր ուղղեց երկու համույթների անդամներին հիասքանչ ելույթի համար, արժևորելով համույթների ղեկավար

մանկավարժներ Գիորգի Վարդանովի և Մարա Աբուլյանի մեծ ներդրումը նվագարանների վրա և երգերի հոգեբույժ կատարումների համար: Հոգևոր Հայրը հույս հայտնեց, որ այս համատեղ համերգը կդառնա այն գեղեցիկ նորի սկիզբը, որը պետք է շարունակվի երկու խոստումնալից համույթների՝ հարվածային գործիքների «Drum School» և Վիրահայոց թեմի «Հայարտուն» կենտրոնի Ներսես Շնորհալի պատանեկան համույթի համագործակցությամբ: Նա երեխաների պաշտպանության օրվա կապակցությամբ սրբապատկերներ բաժանեց հյուրընկալվող համույթի անդամներին և նրանց ղեկավարներին:

Փայլուն կատարումներով և մանկական ոգեշունչ տրամադրությամբ կայացած համերգն ավարտվեց ուրախ հյուրասիրությամբ: